

Kommunimut pilersaarummut tapiliussassamut 20C6-2, Paamiut, inaarutaasumik aalajangiineq

Aalajangiiffigisassaq

J.nr.: 16.03.01.01-P16-5-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Pilersuineramik kiffartuussiviup Nukissiorfiup ingerlatani illumi ataatsimi katersorusummagit kommunimut pilersaarummut tapiliussatut siunnersuut suliarineqarpoq. Kommunimut pilersaarummut tapiliussami immikkoortup ilaa 20C6 pioreersoq annertusineqarpoq. Immikkoortup ilaa immikkoortoq C-tut taaguuteqaannaassaaq.

Pilersaarummut tapiliussaq maanna sapaatip-akunnerini 8-ni tusarniaassutigineqareerpoq, tusarniaassummullu akissutinik tigusaqartoqanngilaq. Taamaasilluni pilersaarummut tapiliussami allannguuteqartitsinissamut tunngavissiisoqanngilaq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut 20C6-2, Paamiut akuersissutigineqassasoq
- siunnersuut Aningaasaqarnermut Inuussutissarsionermullu Ataatsimiititamut aalajangiiffigisassatut ingerlateqqinneqassasoq
- Aningaasaqarnermut Inuussutissarsionernermullu Ataatsimiititamut suliaq Kommunalbestyrelsimit inaarutaasumik akuersissutigisassanngorlugu ingerlateqqinneqassasoq.

Suliassamik saqqummiussineq

Kommunimut pilersaarummut tapiliussatut siunnersuummi matumani immikkoortup ilaa 20C6 (illoqarfiup qeqqa) pioreersoq annertusineqarpoq.

Pilersaarummut tapiliussaq maanna sapaatip-akunnerini 8-ni tusarniaassutigineqareerpoq, tusarniaassummullu akissutinik tigusaqartoqanngilaq. Taamaasilluni pilersaarummut tapiliussami allannguuteqartitsinissamut tunngavissiisoqanngilaq.

Immikkoortup ilaani sanaartorfissamik nutaamik pilersitsisoqarpoq. Tassuuna pilersuineramik kiffartuussivik immikkoortuminik illumi ataatsimi ataatsimoortitsinissamik periarfissinneqassaaq, ukulu ataatsimoortikkusunneqarput, allaffik toqqorsivillu ataasiakkaanik sannavittut atortunik initalik kiisalu annertunngitsumik toqqorsivilik. Immikkoortut taakku ullumikkut illoqarfimmi sumi tamaani siammasillutik inissisimapput.

Pilersaarummut tapiliussatut siunnersuummi aamma allamik siunertaqartoqarpoq, tassa B-129, utoqqaat illutoqaata allatut atulersinneqarnissaanik imaluunniit siunissami ungasinnerusumi isaterneqarnissaanik qulakkeerinissaq.

Aaqqiissutissatut siunnersuut – suliatigut naliliineq

Ingerlatsiviup nalilerpaa, immikkoortunik kattussuussilluni ataatsimoorfeqalersitsinikkut sumiiffiup siunissami ineriartortinneqarnissaanik qulakkeerneqassasoq, sumiiffiullu naleqassusianik annertunerulersitsilluni.

Peqatigitilluguttaaq ingerlatsiviup nalilerpaa, pilersuinermik kiffartuussiviup ingerlataanik illumi ataatsimi ataatsimoortitsinissaq aaqqiinerussasoq pitsaasoq.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppernarsaatitallit

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq aamma

Inatsisartut inatsisissaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Soqanngilaq

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Pilersaarut Siunnersuutitut sapaatip-akunnerini arfineq-pingasuni tamanut tusarniutigineqarpoq, kommunillu nittartagaatigut kiisalu Paamiuni illoqarfiup allagarsiiviini allagarsiinikkut saqqummiunneqarpoq.

Piffissami tusarniaaffiusumi tusarniaanermut akissuteqaatinik tiguisoqanngilaq.

Ingerlatsivinniit allaniit oqaaseqaatigineqartut

Soqanngilaq

Siusinnerusukkat aalajangernerit

Sanarfinermut Avatangiisinullu Ataatsimiititap ulloq 8. agusti 2019-imi aalajangernera:

Inassuteqaat akuerineqarpoq

Aningaasaqarnermut Inuussutissarsiornermullu Ataatsimiititap aalajangernera ulloq 19. agusti 2019:

Inassuteqaat akuersissutigineqarpoq oqaaseqaatigalugu sapaatip-akunnerini arfinilinni tusarniaasoqassasoq, sapaatip-akunnerini arfineq pingasuni pinnani.

Kommunalbestyrelsip aalajangernera 27. agusti 2019:

Inassuteqaat akuerineqarpoq

Ilanngussat

1. Kommunitumut pilersaarummut tapiliusseq 20C6-2, Paamiut